



*Kamis, 22 Juni 2023*

**Ogen : Joel 3:8-15**



**Tuhan Merekah Penghakimen**



“Only God can Judge me”. Hanya Tuhan yang berhak menghakimiku. Idealna pe bage, sebab kata menghakimi ertina berlaku sebagai hakim terhadap sesuatu. Tapi adi sinehen i bas tep-tep wari, megati sesekalak ihakimi kalak sideban si jelas-jelas labo ia hakim tapi berlaku hakim nandangi geluh kalak si deban. Ironisna, sesekalak banci ihakimi (oleh sekalak si labo hakim) alu alasen si mawen-mawen lenga tentu benar. Misalna: kalak si ertato nggo pasti jahat. Nina ise? Me erkiteken lenga bo kita jumpa kalak si ertato tapi pusuhna bagi malekat. Ertina uga pa pe keadaan sekalak jelma, jelas labo kita atan guna mereken penghakimen nandangi kai si lit ibas geluhna janah adi terdauhen eme kai si lit ibas pusuhna.

Tuhan ngenca banci jadi hakim nandangi manusia, sebab labo saja kerna geluh manusia si ietehna tapi ndauh ku bas pusuh manusia pe ieteh Tuhan. La lit si terbuni i lebe-lebe Tuhan. Janah hal si enda me si teridah man Tuhan, e me pengelako bangsa-bangsa nandangi bangsa Tuhan jine e me Juda. Ija i bas bangsa-bangsa nggo rate-ate dengen ndalanken si la mehuli man Juda, maka keke rawa Tuhan guna erbalas man bangsa-bangsa alu cara kai si ilakokenna man bangsa Juda. Tuhan erperang nandangi bangsa-bangsa e, dengen mabasa ia kerina ku baluren pengadilan, ija Tuhan mereken penghakimen man bangsa-bangsa e.

Penghakimen Tuhan pasti terjadi, labo terjeng terjadi i bas doni enda tapi penghakimen si tuhu-tuhu e me rehna wari Tuhan. Emaka selaku kita kalak si tek, jagai banta, jagai kinitekenta, tadingken si jahat ras dosa, pindolah pengalemi dosa i bas Dibata nari janah geluh bagi si ngena ateNa. E me jadi asam ta guna bengket ku bas penghakimen Tuhan e pagin.